

usaglašavanje Korekcije Plana sa Idejnim rješenjem, koje je sastavni dio Regulacionog plana "Centar - Vogošća", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Vogošća, Zavoda za planiranje razvoja Kantona Sarajevo i Ministarstva prostornog uređenja i zaštite okoliša Kantona.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Vogošća, a naknadno će se objaviti u "Službenim novinama Kantona Sarajevo".

Broj 05-23-771/16 Općinski načelnik
01. novembra 2016. godine **Edin Smajić, s. r.**

Na osnovu čl. 46. Zakona o prostornom uređenju ("Službene novine Kantona Sarajevo", broj 7/05) i člana 71. Statuta Općine Vogošća ("Službene novine Kantona Sarajevo", broj 27/14 - Prečišćeni tekst), općinski načelnik Općine Vogošća je, dana 01.11.2016. godine, verificovao i donio

**ODLUKU
O KOREKCIJI REGULACIONOG PLANA
INDUSTRIJSKI KOMPLEKS "UNIS" U VOGOŠĆI**

(Kružni tok i EP pumpa)

Član 1.

Utvrđuje se Korekcija Regulacionog plana Industrijski kompleks "Unis" u Vogošći (usvojen na sjednici Skupštine Opštine Vogošća, Odluka br. 01-023-15/91 od 30.04.1991. g.), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za izgradnju raskrsnice sa kružnim tokom saobraćaja, u svhu kvalitetnijeg rješenja saobraćaja u kretanju na ovom lokalitetu. Također, ovom korekcijom se planira i izmještanje benzinske stanice "Energopetrol" koja mora biti uklonjena zbog izgradnje kružnog toka, prema sljedećim urbanističko-tehničkim uslovima, odnosno na način:

- Postojeći objekat benzinske stanice "Energopetrol" sa pratećim sadržajima se izmješta na novu lokaciju prikazanu u grafičkom prilogu br. 3 - Razmještaj i spratnost objekata - Arhitektonsko-urbanističko i saobraćajno rješenje i grafičkom prilogu br. 4 - Analitička obrada građevinskih parcela. Spratnost objekta je P (prizemlje) sa nadstrešnicom, sve u skladu sa građevinskom i regulacionom linijom definisanom u navedenom grafičkom prilogu.
- Dva objekta planirana Regulacionim planom južno od raskrsnice, a koje novoplanirana saobraćajnica ruši, u istim gabaritima i sa istom spratnošću i BGP-om se pomjeraju na istom lokalitetu, a sve na način kako je prikazano u grafičkom prilogu br. 3 - Razmještaj i spratnost objekata - Arhitektonsko-urbanističko i saobraćajno rješenje i grafičkom prilogu br. 4 - Analitička obrada građevinskih parcela.
- Planirati jednotačni kružni saobraćajni tok sa širinom kolovoza 6,0 m,
- Radijus unutarnjeg ostrva 15,0 m,
- Vanjski radijus kružnog toka 21,0 m,
- Skretni radijusi na prilazima magistralnog puta su 12,5 m i 15,0 m, a na ostalim prilazima u skladu sa prostornim mogućnostima 7,5 m do 10,0 m,
- predvidjeti četiri saobraćajna pristupa za ulaz i izlaz vozila u kružni tok i dodatno još jedan izlaz iz kružnog toka ka benzinskoj stanici,
- samu lokaciju kružnog toka definisati na način da se zadrži podzemni pješački prolaz ispod magistralnog puta na postojećoj lokaciji, a da se istovremeno svi postojeći saobraćajni pristupi riješe u skladu sa propisanim potrebnim tehničkim elementima,
- pješačke tokove obraditi na način da su na svim prilazima obostrano predviđene pješačke staze - trotoari.
- Svi ostali urbanističko-tehnički uslovi moraju biti u skladu sa Idejnim rješenjem saobraćajnog toka na raskrsnici

magistralnog puta M18 i puta za Blagovac, čiji grafički prilog (Graf. prilog br. 5), čini sastavni dio ove Korekcije.

Član 3.

Korekcija Plana sastoji se iz tekstualnog dijela i grafičkih priloga sa prikazanom parcelom i građevinskom linijom planiranog objekta benzinske stanice i saobraćajnim rješenjem raskrsnice. Tekstualni dio i grafički prilozi Korekcije Plana su sastavni dio Regulacionog plana Industrijski kompleks "Unis" u Vogošći (usvojen na sjednici Skupštine Opštine Vogošća, Odluka br. 01-023-15/91 od 30.04.1991. g.).

Član 4.

Korekcija Plana je radena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjem, koje je sastavni dio Regulacionog plana Industrijski kompleks "Unis" u Vogošći, te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Vogošća, Zavoda za planiranje razvoja Kantona Sarajevo i Ministarstva prostornog uređenja i zaštite okoliša Kantona.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Vogošća, a naknadno će se objaviti u "Službenim novinama Kantona Sarajevo".

Broj 05-23-772/16 Općinski načelnik
01. novembra 2016. godine **Edin Smajić, s. r.**

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Karikaturist", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "Karikaturist", skraćeni naziv je "Karikaturist", sa sjedištem na Ilidži, ulica LATIČKA broj 1/A2.
2. Upis je izvršen pod registarskim brojem 2176. knjiga V registra udruženja, dana 06.09.2016. godine.
3. Programski ciljevi i zadaci Udruženja su: povezivanje, edukacija, razmjena informacija i unapređenje kodeksa umjetnika - stvaralaca koji obavljaju likovnu djelatnost u oblasti primijenjene umjetnosti, karikature, stripa, ilustracije i dizajna; povezivanje svojih članova međusobno, kao i sa drugim srodnim udruženjima koja obavljaju istu ili sličnu djelatnost; organizovanje, samostalno ili zajedno sa drugim organizacijama, festivala, izložbi, umjetničkih radionica, stručnih skupova, savjetovanja, seminara i drugih oblika stručnog obrazovanja u cilju unapređenja likovne djelatnosti u oblasti primijenjene umjetnosti, karikature, stripa, ilustracije i dizajna; priprema i objavljivanje publikacija koje su od koristi za ciljnu grupu udruženja; učešće članova udruženja na domaćim i međunarodnim takmičenjima iz oblasti primijenjene umjetnosti, karikature, stripa, ilustracije i dizajna; suradnja sa sličnim udruženjima i drugim organizacijama u zemlji i inostranstvu koje se bave istom ili sličnom djelatnošću.
4. Osoba ovlaštena za zastupanje i predstavljanje je: Rešad Sultanović - predsjednik Udruženja.

Broj 03-03-05-8988/16
06. septembra 2016. godine
Sarajevo

Ministar
Mario Nenadić, s. r.

(O-919/16)